



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

CCCLXIV. Bischof Dieterich von Camin bestätigt Verschreibungen Johannis von Stegelitz von 1299, des Rathes zu Prenzlau von 1307 und des Markgrafen Woldemar von 1319 über Altäre in der Jacobikirche zu ...

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

pore numerandum vel talem personam, que infra Annum in sacerdotem a presentacionis tempore valeat promoueri. Deficientibus vero dictis Nicolao et Johanne ac eorum heredibus et nullo de ipsorum genere superstiti remanente, tunc ius presentandi in persona senioris de duobus senioribus Consulibus tunc existencium volumus residere ad prouidendum tali persone, sicut superius est expressum. Forma quoque officandi dictum altare talis erit: in secunda, quarta et sexta feria missa est pro defunctis legenda et memoria habenda eorum, qui clam vel palam ad dicti altaris instauracionem suas elemosinas et subsidia pia sunt largiti. Die vero dominica, tertia et quinta feria atque sabbato legenda est missa, sicut talium dierum sollempnitas requirit, nisi plebanus vel eius vices gerens missam sibi legi deposceret congruentem, tunc dicti Altaris rector ipsi plebano vel eius gerenti quoad dictos quatuor dies debet in dicendis missis omnimode obedire omni contradictione cessante. et vt premissa omnia et eorum quodlibet perpetuis temporibus incommota persistant, hanc litteram exinde confectam nostri sigilli robore dari iussimus communitum. Presentibus testibus Nobilibus viris G. VI. et Adolfo, Comitibus de Lindowe, Domino Segero, preposito in Stendal, hermanno de Redere, Thiderico de kercow, hennincho et dobizlao de Ekstedde, militibus, et hermanno de Luchowe, cum aliis fide dignis. Datum Reppin, Anno domini M<sup>o</sup> CCCXX<sup>o</sup> sexto, die sancti Thome Apostoli. — Cum igitur ex pastoralis nobis incumbat officio, circa talia diuino cultui applicata sollicitate prouidere, ne ad prophanos vsus redeant, et circa huiusmodi posteris tollere materiam Ambigendi, Nos prefati Altaris, vt premittitur, instauracionem, proprietatis donacionem et abdicacionem ac ordinacionem circa ius presentandi id ipsum et idem officandi ratas et gratas habentes auctoritate nostra ordinaria auctorizamus et confirmamus in nomine domini in hiis scriptis, Inhibentes sub pena Anathematis, ne in futurum potestas secularis in prefatis talentis et solidis de predicto censu mansorum tollendis quidquam sibi vendicet aut Rectorem dicti altaris, qui pro tempore fuerit, quominus integraliter dicta percipiat, presumat quomodolibet impedire, adiciendo nichilominus, vt si qui fideles deuocione accenti ad augmentum dicti altaris aliquid de bonis a deo sibi collatis apposuerint, eadem exemptione et libertate gaudere debeat cum predictis. In cuius rei testimonium sigillum nostrum presentibus est appensum. Datum Stetin, Anno domini Millefimo CCCXXX<sup>o</sup> tercio, ipso die Inuencionis sancte crucis.

Nach dem Originale des Prenzlaue Stadtarchives.

CCCLXIV. Bischof Dieterich von Camin bestätigt Verschreibungen Johans von Stegelitz von 1299, des Rathes zu Prenzlau von 1307 und des Markgrafen Woldemar von 1319 über Altäre in der Jakobikirche zu Prenzlau, am 2. März 1336.

In nomine sancte et indiuidue Trinitatis amen. Fredericus, dei gracia Episcopus Ecclesie Caminensis, Ad perpetuam rei memoriam. Cum a nobis petitur quod iustum est, ordo iuris et vigor expostulat rationis, vt id ad effectum debitum perducamus, quod tunc eo promptius facimus, cum in hiis cultum diuinum augeri conspiciamus, que libenti animo perhennando, quantum auctoritate ordinaria possumus, confirmamus. Sane vidimus et audiuius litteras honorabilis viri

domini Johannis de Steghelis pie memorie, quondam plebani in prenzlav, et discretorum virorum Consulum Ciuitatis eiusdem sanas et illesas super proprietate et libertate plenaria trium mansorum in Campo dicte Ciuitatis sitorum et pertinencium ad quoddam altare beate marie virginis constructum In Ecclesia sancti Jacobi ibidem per honorabiles viros hinricum de ghotowe, presbiterum, et hinricum bismarcke, prefate Ciuitatis Ciuem, fundatum et dotatum sub anno domini M<sup>o</sup> CCC<sup>o</sup> XCIX<sup>o</sup>, quinto ydus februarii, confectas et sigillis saluis dicti plebani et Ciuitatis prenzlav sigillatas. Item vidimus litteras Discretorum virorum Consulum Ciuitatis prenzlav antedicte super libertate exaccionis et quarumcunque talliarum vnus mansi, que sehot wlgariter nuncupatur, siti in campo eiusdem ciuitatis et ad idem altare in ecclesia sancti Jacobi predicta erectum pertinentis, quem videlicet mansum dominus hinricus de ghotowe memoratus sua propria pecunia comparauit, sub anno domini M<sup>o</sup> CCC<sup>o</sup> septimo, In die sancti gregorii pape confectas et Ciuitatis premisse sigillo sigillatas. Post hec vero vidimus et conspeximus litteras Magnifici principis domini woldemari, Brandenburgensis et lusacie marchionis, super donacione proprietatis sex talentorum II solidos minus sitorum in Censu mansorum Ciuitatis prenzlav et proprietatem septem solidorum denariorum brandenburgensium duorumque chororum et dimidii quadruplicis annone sitorum in Censu mansorum Ciuitatis straceborch pertinencium ad quoddam altare in honorem beati Bartholomei apostoli dedicatum et in Ecclesia sancti Jacobi apostoli sepedicta per discretos viros Conickinum, henninghum, nicolaum et gherardum, filios hinrici bismarck prius tacti, necnon hinricum et henninghum, filios eyckonis de brunswick, ciues dicte Ciuitatis, erectum et constructum, sub anno domini Millesimo Trecentesimo XIX<sup>o</sup>, confectas et eiusdem domini marchionis sigillo sano et integro sigillatas, quarum tenores de verbo ad verbum propter prolixitates earum omisimus, sed tamen vtilitatem et effectum earundem sub modo et forma breuiori quo potuimus colligere fecimus et in presentibus mencionem facimus de eisdem. Nos prefatorum Conickini, henninghi et nicolai, dictorum bismarcke, necnon hinrici et henninghi eycken humiliter supplicancium, vt dicta altaria cum suis proprietatibus et libertatibus confirmare dingnamur, petitionibus condignis inclinati, prefatas fundacionem, dotacionem et proprietatis ac libertatis donacionem, tam mansorum, denariorum, quam annone, cum ordinacione iuris patronatus, cum forma siue modo officandi ac memoria ipsorum fundatorum perpetuo peragenda, prout in litteris originalibus cautum est et euidenter continetur, necnon cum omnibus et singulis condicionibus ac specificacionibus in eisdem litteris expressis siue comprehensis gratam et ratam habentes eaque in nomine domini auctoritate nostra confirmamus per presentes, volentes, omnes predictos redditus eodem iure censeret et ad illos solos spectare debent, quibus predicta altaria pro tempore fuerint collata, vt superius est expressum, et omnes redditus predictos sepedictis altaribus presentibus adunamus, Inhibendo sub pena anathematis, ne potestas secularis uel alius quicumque, cuiuscunque condicionis fuerit, in redditibus seu prouentibus altarium predictorum sibi quicumque vendicet seu vsurpet contra nostram confirmacionem, sicuti omnipotentis dei et nostram canonicam euitare voluerit vlcionem. In quorum omnium premissorum euidentiam plenioram presentem litteram desuper confectam sigilli nostri munimine dedimus communitam. Datum stettin, anno domini M<sup>o</sup> CCC<sup>o</sup> XXXVI<sup>o</sup>, Sabbato proximo ante dominicam, qua Oculi mei Cantabatur.

Nach dem Originale des Prenzlauer Stadtarchives.